

中国早期科技期刊汇编



中国文献珍本丛书

中国早期科技期刊汇编（六）

全国图书馆文献缩微复制中心

中國地理學會

地理學雜誌

第二十八號

辛亥年九月出版

（郵政特准掛號認爲新聞紙類）

中國地學會職員（宣統元年八月選舉）

總理 直隸提學使傅增湘

評議員 蔡儒楷 袁希濤 顧珣 李

士偉 英華 孫雄 張壽春 梁

志宸

會長 張相文

編輯部長 白毓崑

幹事部長 吳鼎昌

總幹事員 任憲吉

會計員 趙德蔭

書記員 姚湘業

敬啓者中國科學方在萌芽而地學之範圍愈廣故探討愈難同人不揣綿薄創辦茲會亦欲與海內志士共勉成之惟會中應辦之事甚多暫因絀於財力未遑措手特先按期出雜誌一書以爲交通聯絡之機關凡政界學界軍界商界諸君子有調查所得見聞所及關於地學者均祈隨時惠教寄至本會事務所（天津河北第一蒙養院）俟登錄後必予以相當之酬報以期互相研究交換知識想海內宏達富有樂於從事者是本會同人所切禱也 中國地學會同人敬啓

地學雜誌第二年第十八號目次

●圖 蹟

西藏桑蓋寺

●論 叢

中國種族攷

●雜 俎

〔內編〕

連山灣開港現狀

太行遊記

遊歷川雲紀略

西部蒙古遊歷談 (續前)

〔外編〕

德意志之經濟地理

摩洛哥遊記

●說 郭

南滿洲鐵鑛

丹衛溝通說

山東之林業

貴州土司現狀

北極探險之叢談

灤口黃河橋古爲誰山淤湖說

中國之藩部探視

●郵 筒

問題十七

答案十七

●本會紀事

節 錄

史廷鳳

吳蔭樾

節 錄

安 健


丁義明

觀 雲

節 錄

五 峯 山 景





地學雜誌第二年第十八號

論叢

中國種族攷

熊秉穗

吾中國民族。有以爲來自帕米爾高原者。有以爲各洲人民。皆發生於本土中。中人亦然者。然地球成立。其年齡至於不可紀極。生人之起原。亦決非僅區區萬數千年。本世界以前。當有無數世界。新會。譚仲轡先生。鑣言。河圖洛書。殆前世界。石刻。沉淪水中。至大禹時。復發見於世。古人不能推知其所由來。故有天錫之訛。傳證以墨西哥古碑。土人至不能識其字。西士以爲萬年前之物。當屬可信。蓋荒古時文明之掃蕩如此。類者不可勝數也。史記引春秋緯云。自開闢至獲麟。凡三百二十七萬六千歲。分爲十紀。後世史家言盤古及天地人諸皇。亦動稱十萬年。或數萬年。而巴比崙史家比爾撒士遺書。言紀元前三萬七千年前。有大洪水。洪水前十王。四十三萬二千年。洪水後八十六王。三萬四千年。

埃及史家馬勤瑣言始祖彌尼士以前有神代半神代及帝王時代。凡二萬五千年。此雖古代傳說不足爲據。然生人起原之久遠。中西古籍所記皆同。亦可異矣。近世地質學家謂人類遺跡自一萬年至十萬年有極遠。時代卽有極大變遷。本世界太古時洪水淹浸大陸。人類雖各發生於本土。然以避水之故。逐漸遷徙。必擇地勢最高之處而居。歐亞實同一洲形式。構造全相類。而地勢以葱嶺附近一帶爲最高。故人類避水亦至葱嶺附近一帶爲終點。及水勢既退。乃復各求善地分徙於四方。是故謂各洲人民皆發生本土者。乃洪水以前之事。謂來自帕米爾者。乃洪水以後之事也。其或本土地勢甚高。水不能及其遺民。卽各據本土而蕃育子孫。泊乎日久。遂與來自他方之客民相混合而不能辨。此可以理推見者也。試就中國民族貫古今通中外而縱論之。

今人動言中國民族皆黃帝子孫。此殊不確。黃帝以前中國已有人類。今舉其最顯著者言之。史稱神農教民稼穡。蓋土著耕耘之民也。黃帝遷徙往來無常。處以兵師爲營衛。猶是遊牧行國舊俗。顯分二族。其後黃帝阪泉三戰奪炎帝。

之地據有北方及勝蚩尤於涿鹿驅逐苗民遂兼有揚子江一帶地世代子孫遞爲帝王接君位者同出一族而民不必盡屬子孫書曰以親九族九族既睦平章百姓百姓昭明協和萬邦黎民於變時雍堯以黃帝之裔而爲君九族其貴族也百姓同族之民也太古時人類未能聯合大羣故有萬邦其中必有不同族者黎黑也禹貢厥土青黎黎亦訓黑黎民苗族也北方呼來爲黎見春秋公羊傳今粵東省城土音亦呼來爲黎黎民當與馬來同種苗黎與馬來同種乃近日地理家所發明馬來人棕色實與黑近矣夫伏羲神農黃帝在中國歷史上統系相承與苗黎迥異黃帝代炎帝而君中國未嘗盡滅炎帝之民亦不聞驅之他往然則中國民族非盡黃帝子孫可知書所謂萬邦必有炎帝時諸侯及炎帝以前諸侯猶今各省土司多建於宋元明之世此亦可以理推見者也

然黃帝來自西方之說亦不能遽以爲非史記封禪書言黃帝歸老崑崙之墟此雖出於方士所云亦必有所授受蓋古代傳說如此徐星伯西域水道記以爲墟者空虛之謂今天山葱嶺及崑崙山系環繞回疆其中卽空虛處也意者

黃帝一族自葱嶺而東先入回疆再東而入中國及既老不能無故鄉之思故歸於崑崙墟耳又亞洲著名諸大民族無一不有遷徙且多緣遷徙而盛強幾若自成一公例而其定居皆順自然之形勢葱嶺以東中國民族所居也中國本部以北爲陰山又北卽沙漠諸族沙漠以北爲阿爾泰山又北卽通古斯族根據地矣葱嶺以西興都哥士山以南爲印度及波斯之阿利安族其西則古時沁謨族繁殖處也數千年來各族自此而之彼自彼而之此或逼於他種或適彼樂郊大抵能得善地則興盛不能得善地則衰敗其見於中外歷史者不可殫述舉其最著者爲證而黃帝一族所由來及其所以世君中國赫然爲全國各族代表之故可以類推矣

匈奴沙漠種族也古之獯鬻獫狁山戎皆此族人歷代均憑陵中國後漢時漸衰弱分爲南北南部入臣於漢處西河地利帝時竇憲擊破北匈奴其地遂空范書不言其餘衆何往北史云北匈奴爲竇憲所逐單于度金微山西走康居其不能去者住龜茲北地方數千里爲悅般國此北匈奴西徙之迹也其後更

西。躡。歐。洲。定。居。於。匈。加。利。遂。漸。洗。野。蠻。飄。忽。之。習。卒。能。制。定。金。牛。憲。章。爲。全。世。界。立。憲。最。早。之。國。以。能。得。善。地。而。已。突。厥。之。先。本。平。涼。雜。胡。後。魏。太。武。之。滅。北。涼。也。突。厥。以。五。百。家。奔。蠕。蠕。代。居。金。山。以。漸。兼。并。至。隋。世。最。強。自。遼。海。至。西。海。東。西。萬。里。自。漠。北。至。北。海。南。北。五。六。千。里。唐。時。分。東。西。二。部。伊。列。河。以。東。爲。東。突。厥。以。西。爲。西。突。厥。然。其。政。治。教。化。舉。無。足。觀。及。二。部。皆。爲。唐。所。滅。其。遺。種。踰。興。都。哥。士。山。而。南。建。國。於。印。度。又。建。國。於。小。亞。細。亞。至。前。明。中。葉。遂。滅。東。羅。馬。土。地。跨。三。洲。爲。西。方。第。一。強。國。典。章。文。物。迥。異。於。昔。不。能。以。今。日。衰。弱。而。盡。誣。之。也。蒙。古。起。於。漠。北。然。追。溯。厥。初。實。來。自。印。度。據。蒙。古。源。流。考。謂。蒙。古。乃。土。伯。特。之。分。支。土。伯。特。又。額。納。特。珂。克。之。分。支。土。伯。特。卽。西。藏。額。納。特。珂。克。卽。中。印。度。也。距。釋。迦。牟。尼。佛。涅槃。之。戊。子。歲。千。有。八。百。二。十。一。年。有。烏。迪。雅。納。汗。敗。於。鄰。國。東。走。雪。山。至。其。季。子。遂。王。西。藏。七。傳。而。爲。臣。下。所。篡。季。子。布。爾。特。齊。諾。逃。至。恭。博。往。渡。騰。吉。思。海。東。至。拜。噶。勒。江。疑卽今貝加爾湖之支水過。必。塔。疑卽今俄屬之赤塔城地。方。人。衆。戴。以。爲。君。十二。傳。至。多。幹。索。和。爾。生。七。子。其。季。勃。端。察。爾。始。居。鄂。諾。江。唐有蒙兀

上源元史作幹難河太祖始起地也又十傳至鐵木真是爲元太祖青吉思

汗。此書爲刺麻所撰。或欲侈張佛教。故援元太祖爲同種。亦未可知。但其世次。詳明地理。亦鑿然可證。要不盡誣然。太祖武功雖赫。而文化不競。至世祖入主中國。紀綱遂稍可觀。其後順帝北歸。和林則依然游牧陋俗而已。地理與文明之關繫如是哉。尤赤受封於歐洲。國祚較元爲稍久。而元史不甚詳其事蹟。若分封西伯利亞諸王。如海都篤哇之屬。則飄忽憑陵。日事攻掠。今其遺民散居北徼。曾無進化之可言。蓋地荒寒爲之也。憲宗命旭烈兀蕩平西域。留鎮其地。建庭於波斯沿海之忽魯母。明利瑪竇職方外紀作忽魯謨斯屹然成一大都會。商賈雲集。珍貨山積。至明世猶然。則文化必有足觀。而明初帖木兒王賽馬兒罕威震四鄰。北入俄羅斯。南掠印度。西破突厥。可謂強矣。而政教乃無足稱者。及其裔孫巴爾取印度。建大蒙古國。武功文治並爲西人所驚歎。豈非地利不同故哉。此皆沙漠民族。以遷徙而興盛之顯證也。

通古斯種散處亞洲北部。土地嚴寒。故其人體質強健。與沙漠諸族略同。以漸

蔓延於東亞及中亞。最著名者如鮮卑、回紇、契丹、女真之屬。皆嘗橫絕一時。然各族遷徙之地不同。故至今盛衰亦不同。其能占優勝者。必能得善地者也。何秋濤先生謂西伯利亞乃鮮卑二字音轉。考後漢書鮮卑傳言其獸有異於中國者。有原羊。又有貂狔。狔即狔狔。狔狔即狔狔。狔狔即狔狔。皮毛柔軟。故天下以爲名裘。今西伯利亞實產貂狔。又產原羊。其形似鹿。土人用以曳雪牀。何氏之說不虛也。按何氏謂鮮卑。有今俄羅斯東境。地後其部落徙不知鮮卑人本居西伯利亞。以漸而南。觀魏書及北史可證。今黑龍江南吉林西北境有錫伯部落。即鮮卑遺民。蓋亦自西伯利亞來也。後漢時竇憲擊走匈奴鮮卑。因徙據其地。後遂徧布中國北邊。如乞伏、秃髮、宇文、段、慕容、拓拔諸氏。當晉世皆事割據。而拓拔氏一支爲最盛。其先本居西伯利亞。由貝加爾湖轉徙而南。行蹤猶鑿然可尋。貝加爾湖古之北海也。史記匈奴傳。匈奴留郭吉。遷之北海上。漢書蘇武傳。匈奴徙武北海無人處。使牧羝。丁令盜武牛羊。丁令乃通古斯之一族。今散居貝加爾湖附近一帶者。卽其遺種。貝加爾湖在匈奴正北。與丁令實相近。漢時匈奴役屬丁令。故能置吉與武於北海上也。史記匈奴傳。冒頓北服丁靈。漢書李陵傳。匈奴立衛律爲

丁靈王。蘇武傳注。丁令卽上所謂丁靈耳。蓋西伯利亞東部大半爲丁靈故地。而貝加爾湖卽蘇武收羝之北海上矣。貝加爾亦稱柏海。又稱白海。皆與北海音相近。北史烏洛侯國西北有完水東北流合於難水。其小水皆注於難。東入海。又西北行二十日有于已尼大水。所謂北海也。完水。魏書作脫水卽黑龍上源之敖嫩河。元史作幹難河。合音則爲完難水。卽今嫩江下流合松花江名混同江與黑龍江會。蓋今地志以黑龍江爲經。故言嫩江入之。北史則以嫩江爲經。故言完水入難水也。江爲經與北史合。于已尼大水卽今葉尼塞河爲北徼第一巨川。貝加爾湖之水自西北隅流出爲昂可刺河西北流與葉尼塞會。然則所謂北海卽指貝加爾湖。特史文合于已尼與北海爲一言之未晰耳。烏洛侯當在黑龍江上源敖嫩河之東。貝加爾湖正當其西北。魏書世祖眞君四年。烏洛侯國遣使朝貢。稱其國西北有國家先帝舊墟石室。太武遣使告祭。刊祝文石室之壁而還。蓋拓拔氏初居西伯利亞。魏書及北史並言其世爲君長。統幽都之北。廣漠之野。畜牧遷徙。射獵爲業。積六七十代至成皇帝。諱毛立。統

國三十六大姓九十九威震北方。五傳至宣皇帝推寅。南遷大澤。方千餘里。厥土昏冥沮洳。謀更南徙。未行而殂。所謂大澤。卽今貝加爾湖。乃石室之所在也。靈徵志石室南距代京可四千餘里以方位道里核之皆卽貝加爾湖又八傳至聖武皇帝詰汾。奉命南徙。山谷高深。九難八阻。歷年乃出。始居匈奴故地。此卽今外蒙古土謝圖汗之境。詰汾南移。乃由貝加爾湖南之楚庫河等地。傍色楞格河兩岸。以抵恰克圖庫倫諸境。此一帶大山密林險阻沮洳。康熙時圖理琛奉使存問土爾扈特阿玉奇汗山。西伯利亞入歐俄歸。撰異域錄。備詳此一帶地勢。至本朝。尙然當詰汾時。並無正路。繫空前行。故程途不及萬里。而經年始達也。然惟其後裔入主中國。故能縷述先人雄毅之歷史。焜耀於世。使後代鴻才碩學。考古流連。餘興不窮。若終居北荒。或沙漠。則雖有英雄如檳石槐拓地。東西萬四千餘里。南北七千餘里。威震遐邇。而史籍乃不甚詳。其實蓋亦野番視之耳。人能榮地。地亦能榮人。嗚呼。可以感矣。

考通古斯。亦作東姑斯。魏書厭達國。大月氏之種類也。亦曰高車之別種。按高車卽丁零。實居西伯利亞。乃通古斯種。厭達則居今中亞之阿母河。新唐書云。